

Sakspapir

Sakshandsamar	Arkiv	ArkivsakID
Frank Kvinge	FA-C00	19/861

Saknr	Utval	Type	Dato
123/2020	Formannskapet	PS	15.12.2020

Deltaking i universell tilrettelegging knytt til dagsturhytta i Masfjorden

Vedlegg:

Journalposttittel	Dato
Vedlegg 1a Universell gangveg	03.12.2020
Vedlegg 1b Universell gangveg og tilkomst frå sjø	03.12.2020
Vedlegg 2 Talmateriale, søknad til Gjensidigestiftelsen frå Vestland fylkeskommune	03.12.2020

Rådmannen sitt framlegg til vedtak:

Masfjorden kommune løyver kr 100 000 til deltaking i prosjektet med universell tilrettelegging/ tilkomst til dagsturhytta i Masfjorden. Tiltaket vert finansiert frå disposisjonsfond.

Saksopplysningar:

Bakgrunn

Vestland fylkeskommune har sendt invitasjonar til kommunar om å vera med på deira søknad til Gjensidigestiftelsen om «Naturmøteplassen», som gjeld universell tilkomst og tilrettelegging i strandsona.

Masfjorden er vorte kontakta av fylkeskommunen med oppmoding om å støtta ein søknad som er knytta til tilrettelegging for rørslehemma ved dagsturhytta i Masfjorden. Søknaden skal omfatta både tilkomst frå parkeringsplass og flytebrygge.

Fakta

I søknadsvedlegg frå Vestland fylkeskommune til Gjensidigestiftelsen står det følgjande:

«Forslag Delprosjekt A - Utvikling av områder rundt dagsturhyttene

Total søknadssum til Gjensidigestiftelsen på delprosjekt A; 650 000 kr.

Prioriterte prosjekt som lar seg realisere i 2021;

1. **Byngjo, Alver kommune**

søknadssum 325 000 kr.

2. **Grøttneset, Masfjorden kommune**

søknadssum 325 000 kr.

1. Alver kommune, Byngjo – universell utforming av tilkomsten til dagsturhytta

Dagsturhytta til dagsturhytta i Alver, Byngjo ligg i eit statleg sikra område, der målet er å auke tilkomsten til denne hytta som ligg like i sjøkanten og som aukar naturoppleving for fleire og nærleiken til sjø for personar med nedsett funksjonsevne. Dette gir personar i rullestol høve til lik deltaking og kunne kjenne på sjøsprøyt og saltvatn

2. Masfjorden kommune, dagsturhytta på Grøttneset

Dagsturhytta i Masfjorden ligg fint til ved sjøen med ei allereie etablert flytebrygge for ilandstigning er målet at personar med nedsett funksjonsevne skal kunne ta seg inn i dagsturhytta frå sjøsida med ein slyngande terrasseklopp som slyngar seg i terrenget langs berget. Der er også planlagt på sikt ein universell utforma tursti frå parkeringsplassen.»

Dette viser at dagsturhytta er vorte prioritert som ei av to dagsturhytter i Vestland til å få tilskot.

Kort skildring av tiltaket

Det planlagte tiltaket omfattar universelt utforma turveg frå parkeringsplass til dagsturhytta med total lengde 1,4 km i tillegg til turveg på 145m frå hytta til fjæra. Ein landgang på 15m skal binda vegen saman med flytebrygge. I enden av turvegen ligg badestranda.

Vedlegg 1a og 1b: Kartskisser

I arbeidet med dagsturhytta har det å klargjera tilrettelegging for rørslehemma vore viktig. Rundt sjølve hytta er det bygd terrasse på eitt plan, slik at ein lett kan ta seg fram med td rullestol. Det universelle toalettet er plassert i eige bygg på same plan. Arbeidet med trasé for universell tilkomst frå parkeringsplass er planlagt. Målet med prosjektet er at heile anlegget får universell tilkomst både frå sjø og land.

Gjensidigestiftelsen si målsetjing er å gje støtte til prosjekt som kan vera gode førebilete og som kan inspirera og visa fleire mogelege måtar å skapa inkluderande møteplassar på. Vestland fylkeskommune meiner at dagsturhytta i Masfjorden har eit svært godt utgangspunkt for å kunne realisera desse målsetjingane, og har difor prioritert tiltaket blant mange andre i søknaden til Gjensidigestiftelsen.

Finansieringsplan

Søknaden frå Vestland fylkeskommune til Gjensidigestiftelsen utløyser høg grad av eksterne midlar. Vestland fylkeskommune søker støtte kr 325 000 frå Gjensidigestiftelsen til tiltaket.

Vestland fylkeskommune støttar tiltaket med kr 75 000.

Kvinge grendalag har sagt seg viljuge til å yta dugnad for minimum kr 50 000.

Masfjorden kommune blir beden om å yta tilskot kr 100 000. Kommunen vil få igjen om lag tilsvarende sum i momskompensasjon som er del av den totale finansieringa.

Søknadssum	Kr 325 000	
Gjensidigestiftelsen		
Søknadssum spelemidlar	Kr 250 000	
Kommunal finansiering	Kr 100 000	

Fylkeskommunal finansiering	Kr 75 000	
Mva Dugnad	Kr 100 000	Kr 50 000
SUM	Kr 850 000	

Vedlegg 2: Talmateriale, søknad til Gjensidigestiftelsen frå Vestland fylkeskommune.

Vurdering

Tiltaket er i tråd med Kommunedelplan for idrett, fysisk aktivitet og friluftsliv, jfr målsetjingar pkt 1.6 c-f.:

«c) Leggja til rette for at barn, unge og eldre jamnleg deltek i friluftaktivitetar.

d) Prioritera planlegging og utvikling av anlegg/ område som kan gjera det lettare for fleire å driva ei eller anna form for idrett eller fysisk aktivitet.

e) Leggja til rette turvegar/- løyper og -stiar og møteplassar i naturen og slik motivera alle aldersgrupperr til å koma seg ut.

f) Leggja til rette for tilkomst og fleire gode anlegg for friluftsliv.»

Rådmannen meiner dette difor er eit tiltak som støttar opp om kommunen sine målsetjingar i kommunedelplanen og at kommunen får mykje igjen for å yta eit tilskot på kr 100 000.

Konklusjon:

Masfjorden kommune løyver kr 100 000 til prosjektet. Dette vert finansiert frå disposisjonsfond.

Formannskapet - 123/2020

FS - behandling:

Rådgjevar for kultur Frank Kvinge møtte til denne saka og svara på spørsmål.

Saka vart drøfta.

Framlegg til vedtak vart samrøystes vedteke etter fullmakt frå kommunestyret 30.11.20.

FS - vedtak:

Masfjorden kommune løyver kr 100 000 til deltaking i prosjektet med universell tilrettelegging/ tilkomst til dagsturhytta i Masfjorden. Tiltaket vert finansiert frå disposisjonsfond.